

Na osnovu člana 12. alineja 8. Zakona o Agenciji za privatizaciju ("Službene novine Federacije BiH", broj 18/96 i 2/02), člana 20. stav 1. Zakona o početnom bilansu stanja preduzeća i banaka ("Službene novine Federacije BiH", broj 12/98 i 40/99), člana 4. Zakona o izmjenama i dopunama Zakona o privatizaciji preduzeća ("Službene novine Federacije BiH", broj 28/04), te člana 15. alineja 11. Statuta Agencije za privatizaciju u Federaciji Bosne i Hercegovine ("Službene novine Federacije BiH", broj 31/05), Upravni odbor Agencije za privatizaciju u Federaciji BiH, na 1. sjednici održanoj 21. decembra 2005. godine, donosi slijedeću

ODLUKU O PRIJENOSU SREDSTAVA IZ PASIVNOG PODBILANSA

I

Predmet ove Odluke su odmrznuta i naplaćena novčana sredstva od Yugoimporta (SDPR) Beograd, Srbija i Crna Gora, a po osnovu potraživanja preduzeća iz namjenske i nenamjenske industrije, sa sjedištem u Federaciji Bosne i Hercegovine.

II

Gore navedena sredstva ne potpadaju pod sukcesiju i ista se odnose na potraživanja preduzeća iz oblasti namjenske i nenamjenske industrije iskazana u pasivnim podbilansima, a u skladu sa privatizacijskim propisima u Federaciji Bosne i Hercegovine.

III

Sredstva naplaćena iz pasivnog podbilansa u iznosu od 5.964.074,96 USD, a koja se odnose na preduzeća sa prostora Federacije Bosne i Hercegovine, shodno članu 20. Zakona o početnom bilansu stanja preduzeća i banaka prenose se / pripadaju Agenciji za privatizaciju u Federaciji Bosne i Hercegovine.

Sastavni dio ove Odluke je Spisak preduzeća na koja se odnose predmetna potraživanja.

IV

Sredstva iz tačke 1. ove Odluke se nalaze na računu Centralne banke Bosne i Hercegovine, te je ista dužna prebaciti navedena sredstva na račun Agencije za privatizaciju u Federaciji Bosne i Hercegovine **broj ACC.53011204-037800, SWIFT: UPBKA22 kod UPI banke dd Sarajevo.**

V

Namjenu i raspodjelu nadležnim agencijama za privatizaciju raspoloživih novčanih sredstava će odobriti Upravni odbor Agencije za privatizaciju u Federaciji Bosne i Hercegovine u saradnji sa Vladom Federacije Bosne i Hercegovine.

VI

Ova Odluka stupa na snagu danom donošenja, a bit će objavljena u "Službenim novinama Federacije BiH".